

Homogenerari nequit æquiuocè.

T*Hais* natura tuam faciem, cerussa *Lycoris*
Est largita tuam, vniuocè *Thais* fœmina dicta est.
Tunè *Lycoris* item? pictura es, fœmina non es.
Nempè homo pictus homo non est, cur fœmina picta
Fœmina dicetur? Frustrà *Æquiuocatio* Ludis.

Num *Iouis* ex cerebro (sic fabula) nata *Minerva*?
Mater dura fuit cerebro *Iouis* & pia mater,
Sed nimis hæc pia dura nimis fuit illa, patrimam
Eniti. Nec erat *Pallas* cerebrosa virago.

Vulcanus sine patre (ales *Iunonia*) natus.
Vulcanum vt *Iuno* fabricaret sola? duorum
Hic labor, hoc opus est, nequaquam vnius opella.
Æquiuocare potest forsan clàm coniuge coniux:
At parit vniuocè sobolem, clarè vniuocantem.

Cecropides à matre *Solo*, patre *Sole* putârunt
Se primùm genitos, *Sol* solus, *Terraque* coniux
Vermiculos, culices, vrticas, plurima gignunt.
Sed plerasquè herbas, frumentum, animalia bruta
Non sine seminio. Formatae infundere terræ
Humanos animos, res est maioris abollæ.

Ignis in suo vbi nec lucet nec vrit.

Ignis ingenio suo vstionis
Nulla est causa, puta vstionis actus.
Illum cui fatui indidere nomen
Testor, & faculam innocens *Iulii*
Quæ comam perhibetur osculasse:
Testor & nitidos poli *Quirites*,
Voracis vacuos caloris ignes
Et quicquid tenuiquè, simpliciquè
Constet corpore, inepto ad vstulandum.

Detur vrere, non proinde lucet.
Phænissa vritur igne, at igne cœco.
Vulcanus facie parum corusca
(Expertus loquor) vrit, vrit ille
Plus quàm templa *Acharontis* aut *Auerni*.
Hinc *Planto* (sicut is solet) venustè
Nigri lixa gregis vocatur * *Anthrax*
Ignis si ingenio suo sit vrens,
Quin æstas fiet absque *Solis* æstu
Vique perpetuata? si coruscat,
Quin Lux perpetua absque *Solis* ortu?

*Species ignis
Arist.